


# RODITELJSTVO U DOBA COVID-A-19

## Učenje kroz igru

Milioni djece suočavaju se sa zatvaranjem škola i izolacijom u svojim domovima. Ovdje su savjeti o učenju kroz igru – nešto što može biti zabavno svima, bez obzira na uzrast!

### Vrste igara

- Postoji veliki broj različitih igara koje mogu biti i zabavne i poučne
- Jezičke igre, igre s brojevima ili predmetima, dramske ili muzičke igre pružaju djeci priliku da istražuju i izraze sebe na bezbjedan i zabavan način



### Pričanje priča

- Ispričajte djeci neku priču iz Vašeg djetinjstva
- Zamolite svoju djecu da Vam ispričaju neku priču
- Sastavite zajedno novu priču. Neka priča započne riječima: „Nekada davno...“, a potom će svaki od učesnika igre dodati po jednu svoju rečenicu.
- Odlumite omiljenu priču ili film – starija djeca mogu usmjeravati mlađu i na taj se način učiti odgovornosti

### Zamijenite predmet!

- Svakodnevni kućni predmeti – metle, krpe, marama – mogu postati zabavni rekviziti za igru
- Postavite neki predmet na sredinu prostorije; kad neko dobije ideju, prilazi predmetu i pokazuje ostalima šta sve taj predmet može da postane
- Na primjer, metla može postati konj, mikroskop, pa čak i gitara!

### Igre pokreta


- Kreirajte plesnu koreografiju za omiljene pjesme Vaše djece. Jedna osoba treba da povede igru i izvede prvi plesni pokret – ostali je prate. Potom se svi učesnici igre smjenjuju u ulozi vođe i „zadaju“ plesne pokrete
- „Izazov“: ko će najviše puta dodirnuti svoje nožne prste za jedan minut - tako što će izvoditi skokove ili naizmjenično lijevom rukom dodirivati prste na desnoj nozi i obratno (kao vjetrenjača).
- „Igra ogledala“: oponašajte, kao u ogledalu, jedni druge – izraze lica, pokrete, zvukove. Osoba koja započinje igru je vođa, a zatim se smjenjujte u toj ulozi. Probajte ovu igru i bez vođe!
- „Zaleđeni ples“: pustite muziku ili neka neko pjeva pjesmu, dok ostali plešu. Čim muzika prestane, svi moraju da se „zalede“. Osoba koja posljednja prestane s plesom postaje sudija u narednoj rundi
- „Životinjski ples“: igra počinje isto kao prethodna, ali kad se muzika zaustavi, jedan od učesnika glasno izgovara ime neke životinje, a svi ostali moraju da je oponašaju

### Igra memorije

- Prva osoba kaže: „Kad prestane ograničenje kretanja zbog COVID-a-19, ići ću u... (npr. u park)“
- Druga osoba nadovezuje se na prvu i kaže: „Kad prestane ograničenje kretanja zbog COVID-a-19, ići ću u park i... (npr. posjetiti mog najboljeg prijatelja)“
- Svaki učesnik igre nadovezuje se na prethodnog, pokušavajući da smisli nove zabavne aktivnosti koje će sprovesti kad prestane ograničenje kretanja zbog COVID-a-19.

### Pjevanje

- Pjevanjem pjesama pomažete svojoj bebi da razvije jezik
- Odsvirajte ili otpjevajte neku pjesmu – ko prvi pogodi o kojoj je pjesmi riječ, vodi igru u sljedećem krugu
- Sastavite pjesmu o pranju ruku ili fizičkom distanciranju. Dodajte plesne pokrete!



Za više informacija kliknite na linkove ispod:

SAVJETI SZO

SAVJETI UNICEF-A

NA DRUGIM JEZICIMA

BAZA DOKAZA